

Nakuusaaqqat – Årshjul 2023-2024

Qaammat/Måned	Sammisaq/Tema	Suliaq/Aktivitet	Artikel NR.
Aggusti	Atuarfimmi toqqissisimaneq qanoq pitsaanerulersissinnaavarput?	Toqqissisimalluni angalaarnerit	12
Septembari	Meeqqat Isummorsorfii pillugu paasisaqarneq	Saqqummiineq, qaammarsaaneq oqallinnerlu	12, 13, 15
Oktobari	Ikinngutaalluarpit-mi suliassat	NAKUUSA-mit suliassat	2, 12, 13, 18, 30, 42
Novembari	Meeqqat pillugit isumaqatigiissutip samminera	Spillit	Tamarmik
Decembari	Kommunip MI Meeqqat ataatsimeersuarnerat innersuussutillu pillugit ataatsimiinneq	Saqqummiineq oqallinnerlu	12, 13, 15
Januaari	Ikinngutaalluarpit-mi suliassat Toqqissisimalluni angalaarnerit malitseqartinnerat	NAKUUSA-mit suliassat Oqallinneq	2, 12, 13, 18, 30, 42
Februaari	Atoqatigiinnermi killikka	Qaammarsaaneq, oqallinneq aamma spilerneq	2, 12, 13, 16, 24
Martsi	Meeqqat Ulluat	Oqallinneq brainstormernerlu	2, 12, 13, 15, 31
Aprilli	Maaji Nuan	Oqallinneq brainstormernerlu	2, 12, 13, 15, 31
Maaji	Meeqqat Ulluat, silaannaallu allanngoriartornera pillugu ulloqartitsineq	Oqallinneq brainstormernerlu	2, 12, 13, 15, 24. 31
Juuni	Meeqqat ataatsimeersuarnerat	Oqallinneq brainstormernerlu	12, 13, 15

Nakuusaaqqani sammisaqartitsinerup siunertaa

Najoqqutassiami uani Nakuusaaqqat ukiumut pilersaarutaat Nakuusaaqqat sammisassaannut isumassarsiorfinnik isumassarsianillu imalik atuarsinnaavat. Nakuusaaqqani sammisarineqartut tamarmik siunertaraat atuartunut allanut sammisaqartitsinissaq, paasissutissiineq, oqallitsitsineq atuarfinnilu nalerisimassutimik pitsanngorsaaneq. Nakuusaaqqat qaammatikkaarlutik ataatsimeereeraangata atuarfiup sinneranut sammisaqartitsissapput, ilisimaligaat atuartut allat aamma iluaqutiginiassamatigit.

Neriuppugut ukiumut pilersarusiami uani immikkoortorta qarfinni Nakuusaaqqani ilinniartitsisut ukioq kaajallallugu ullorsiut pillugu immersuinissamut isumassarsiorluarsinnaajumaartut.

2023-mi Nakuusaaqqat suliassaat

Aggusti- Toqqissisimaarluni angalaarneq

Suliassaq

Piffissaq atugassaq: Lektionit pingasut miss., allanngorsinnaavorli	Sammissaq: Toqqissisimaarluni angalaarneq	Atortussat: Papir og skriveredskaber
--	---	--

Nakuusaaqqat nukarlernit akullernit angajullernillu aallartitaqarlutik (Atuaqatigiiaanit ataasiakkarlutik).

Siunertaq:

- Atuartut atuarfimmiup iluani silataanilu sinaakkutinut taakkunungalu sunneeqataasinnaaneriniq eqqumaffeqalernissaat
- Atuarfiup aaqqissuusaanera qanoq atuartut toqqissisimanissaannut qanorlu innerannut isumaqartiginersut eqqarsaateqalersinnissaat
- Nakuusaaqqat atuarfimminni suut meeqqanut naleqqunnersut suullu pitsaanerulersinnaanersut atuarfimmu ersertitsinissaaq
- Atuarfimmi toqqissisimanarfiunngitsut Nakuusaaqqat aallartisaassasut
- Atuaqatigimmut suniliniutinik ilisimasaminnik ingerlatitseqqiinissaat

Piareersaatit:

Suliassap aallartinnginnerani atuarfittut ilinniartitsisutulluunniit Nakuusaaqqat qanoq atuarfiit avatangiisiinut sunniuteqarteqarnissaasa paasinissaat pingaaruteqarpoq. Nakuusaaqqat qanoq avatangiisiinut pitsaanerusunngortitsisinnaatiginersut isumaqatigisigit (ass. iikkanik kusassaaneq), erseqqissuliorfigisigilli aamma ass. nutaamik pinnguartarfittaarniarpata immaqqa piviuqunngorsinnaanngitsoq. Peqataatitsinissinni erseqqissumik killiliinissaaq pisariaqarpoq meeqqat isummaminnik piviusunngortitsisinnaanertik misigisinnaaniassammassuk.

Tikkuminassutsinut nukarlernit, akullernit angajullernillu aallartitanik Nakuusaaqqat peqataatitaqassapput.

Suliassaq atuartut angissusaannut apeqqutaasorujussuuvoq; nukarlernut atuarfimmi angalaarneq (paarlarsuarni, anartarfinni il. il.) kiisalu anitsiarfimmi/silamilu avatangiisit naammapput. Angajullit ingerlaarfiat annerusinnaavoq illoqarfinnilu piffiit allat (ass. haalimi, blokkit akornanni, illoqarfiup qeqqani il. il) tikinneqarsinnaallutik. Misilittakkagut aallavigalugit nalunngilarput atuarfinni anartarfiit isornartorsiorneqartartut. Nukarlerni atuartut ilaat aamma anitsiarfinni angajullit ataatsimoortarfii toqqissisimanarineq ajorpaat.

Atuartut toqqissisimanarinngisimannik nassaarpata/nassaassappata eqqaamallugu qanoq aaqqiivigineqarsinnaanersut aperissagassigit.

Piffiit nuannarineqartut toqqissisimanarineqartullu allatortinnissaat eqqaamaniarisiuk. Paasissutissat taakku kingorna suut toqqissisimanarnersut eqqartulerussigit iluaqutaasinnaapput.

Suliakkiut:

Nakuusaaqqat nassuiaanneqassapput meeqqat tamarmik toqqissisimanissaminnut, annermik atuarfimmiinnerminni, pisinnaatitaaffeqarmata. Nakuusaaqqanut ilinniartitsisutut allattuillattaassaait atuartullu angajullit aamma allattuisinnaapput. Atuarfimi angalaarfigissallugu aqutissarsi misissorluaruk. Nammineerlutit aqutaani eqqumaniarit, aallartitat Nakuusaaqqallu aperillattaallugit. Illup iluani assersuutigalugu makku apeqqutigisinnaavatit:

- Qaamana qanoq ippa?
- Qianarnersoq kiannersorluunnit?
- Eqqiluippa?
- Kikkut tamarmik maaniissinnaappat?

Silamut ingerlaqqigitsi, tassanilu makku apeqqutigisinnaavatit:

- Atuarfiup eqqaata avatangiisii qanoq ippat?
- Anitsiarfimi suut pinnguaatigissallugit soqutiginarpat?
- Anitsiarfimi eqqissisimaarfissaqarpa?
- Atuarfiup eqqaanik aqqusineq qanoq ippa? Angallavioqaa??
- Atuartut atuariartoraangamik soraaraangamillu toqqissisimasarpat?
- Atuarfiup eqqaa unnukku ukiullulluunniit taaraangat qanoq ittarpa?

Naggasiineq:

Angalaarnersi Nakuusaaqqallu naapittarfissinni naggasersiuk suullu misigisimanerlugit eqqartorlusigit.

Nakuusaaqqat aallartitallu ikiorlugit misigisaat eqikkakkit sumilu toqqissisimanartitsinersut sumilu pitsaanersulersinnaaneriniq misigisaqarfisaat erseqqissarlugit. Nakuusaaqqat qanoq ilillutik toqqissisimangiffinnik iliuuseqarsinnaanersut eqqartorsiuk.

Nakuusaaqqani ilinniartitsisup siunnersuutaasut allattussavai sulisullu ataatsimiinneranni eqqartugassanngortissallugit. Aamma atuarfimi siulittaasunut ingerlateqqinneqarsinnaapput. Meeqqat isumassarsiaat maluginiagaallu suut iliuuseqarfigineqarsinnaanersut isumaqatigiissutigisigit.

atuaqatiminnut apuussissapput atuartut tamarmik toqqissisimanartissappassuk atuarfimi suut pitsanngorneqassanersutut siunnersuutit suuneriniq atuaqatiminnut apuussissapput.

2023-mi Nakuusaaqqat suliassaat

Septembari – Meeqqat Isummorsorfii pillugu paasisaqarneq

Suliassaq

Piffissaq atugassaq: 1-2 lektioner	Sammissaq: Meeqqat Isummorsorfii qinersineq	Atortussat: Ilaasortassarsiornermut videoliat www.nakuusa.gl
--	--	---

Siunertaq:

- Nakuusaaqqat Meeqqat Isummorsorfii sulerisarnernut paasissagaat
- Nakuusaaqqat qanoq ilillutik Meeqqat Isummorsorfiinut ilanngussinnaanertik paasissagaat
- Nakuusaaqqat suliamik Meeqqallu Isummorsorfiisaq attuumassutaat paasissagaat
- Nakuusaaqqat Meeqqat Isummorsorfiinut ilisimasaminnik siammarterinissaat

Nakuusaaqqat demokrati pillugu eqqartuissapput Meeqqallu Isummorsorfii sulerisarnersut eqqartorneqassallutik. Nittartagaq nutaaq www.nakuusa.gl (septembarimi atulertussaq) atorsinnaavarsi, Nakuusaaqqallu misissorsinnaavaat NAKUUSAmilu ilaasortassarsiornermi videolarineqartut isiginnaarsinnaavasi.

Nakuusaaqqat Meeqqat Isummorsorfii pillugit oqaluttuutilerukkit ataani allassimasoq aallaavigissavat:

”Meeqqat Isummorsorfi meeqqanik akuutitsinermut tunngasuuvoq. NAKUUSA arfineq marlunnik Meeqqat Isummorsorfeqarpoq ukunani; Avanersuaq, Avannaata, Qeqertalik, Qeqqata, Sermersooq, Kangia aamma Kujalleq.

Meeqqat Isummorsorfii tamarmik qulinik 13-iniit 18-inut ukiulinnik ilaasortaqrput najukkaminni kommunip iluaneersunik, demokratiskiusumik qinikkanik. Ilaasortat ukiukkaarlutik qinerneqartarput, ukiullu tamaasa sassaqqissinnaasarlutik.

Meeqqat Isummorsorfiisa meeqqat inuusuttullu kommuniminni sunneeqatasinnaanerulersillugillu aalajangeeqataanerulersissavaat, oqalliffiusinnaasumillu pilersitsillutik. Meeqqat Isummorsorfiini ilaasortat kommunitimmi meeqqat sinnerlugit oqaaseqartartuupput, kommuniminnilu meeqqat inuusuttullu atugarissaarnerulernissaannut nalerisimaarnerulernissaannullu suliniutinik tigussaasunik aallartitsisassapput.

Meeqqat Isummorsorfiisa susoqarneranik kommunilu tamakkerlugu suut pisariaqartinneqarnersut ilisimaniassammatigit kommunini Nakuusaaqqat qanimut suleqatigisarpaat, taakkulu atuarfinni elevråditupajaaq atuuttuupput. Taamaalillutik Meeqqat Isummorsorfii kommuni tamakkerlugu paasissutissanik pisarput.

Meeqqat Isummorsorfii aamma politiskiuvoq. Politikikkut pisunut, iliuusissatut pilersaarutinit assigisaannullu attuumassuteqarfiinut suliaqartoqataangat akuutinneqarlutillu aperineqartarput. Namminneq kommuniminni kommunalbestyrelsimeersinnaapput, aammali Naalackersuisuneerluni. Ukiut tamaasa Meeqqat Isummorsorfiini ilaasortat Meeqqat Ataatsimeersuarneranut peqataasarput, tasanilu itisilerlugu aalajangersimasumik sammisaqartarput, Naalackersuisunut borgmesterinullu innersuussusinermit naggasertarlugu. Inersimasut meeqqat oqariartuutaat pimoortussavaat akuutillugillu – taamaammallu Meeqqat isummorsorfii arfineq marluk aqqissuuppagut.

Meeqqat Isummorsorfiinut ilaasortatut:

- NaalagaaffiitPeqatigiit meeqqat inuusuttullu ulluinnaanut tunngatillugu Meeqqat pillugit isumaqatigiissusiaanut immikkut ilisimasaqalissaatit
- Kommunerisanni suliassanik meeqqat inuusuttullu atugarisaannik pitsaanerulersitsinunut aallartisaasuussaait
- Najukkanni nunallu sinnerani meeqqat oqariartuutaat oqaluserisassanngortissavatit

- Meeqqat Isummorsorfiisa iluaqutaassaaitit inuusuttullu allat najukkami eqeersimaarnerunissaannut iluaqutaassaaitit”

Nakuusaaqqat arlaat Meeqqat Isummorsorfiinut ilanngukkusukkuni info@nakuusa.gl mailerfigissavaat.

Nakuusaaqqat Meeqqat Isummorsorfii qanoq ilillusi atorluarnerusinnaanerlugit oqaloqatigisigit.

Nakuusaaqqat Meeqqat Isummorsorfii qanoq suleqatigisinnaavaat? Suut amigaatigineqartarpat?

Nakuusaaqqat atuaqatiminnut minnerpaamik ilaasortassarsionermut videoliamik ataatsimik atuaqatiminut isiginnaartitsissaaq, naatsumillu Meeqqat Isummorsorfii sulerisarnersut qanorlu ililluni ilaasortannortoqarsinnaasoq oqaluttuassalluni.

2023-mi Nakuusaaqqat suliassaat

Oktobari – Ikinngutaalluarpit

Suliassaq

Piffissaq atugassaq: 1-2 lektion	Sammissaq: Ikinngutaalluarpit	Atortussat: Læringsmaterialet på www.nakuusa.gl
--	---	---

Siunertag:

- Nakuusaaqqat ikinngutaalluarneq pillugu oqallillutillu eqqarsaateqarnissaat
- Nakuusaaqqat atuaqatiminnut ikinngutaalluarneq pillugu oqallitsitsinissaat

Suliakkiutit 1-2-t Ikinngutaalluarpit-mit atuartitsissutineersut, tigussaasuneersut imlt. nittartakkamiittut www.nakuusa.gl toqqarsigit

Paasititsiniutineersut videot marlussuit aamma isiginnaarsinnaavasi.

Nakuusaaqqat oqalliseqatigikkitt– ikinngutaalluartoq suua? Ikinngutaalluartup suut pitsaaqutigai?

Nakuusaaqqat atuaqatiminnut videot 1-2-t isiginnaartissavaat ikinngutaalluarnerullu suuneranik oqallissaarissalluni. Ikinngutaalluartup suut pitsaaqutigai? Ikinngutaalluartuunngitsaq suua? Inersimasut ikinngutigineqarsinnaappat? Ikinngutiginnermi suut pingaaruteqarpat?

2023-mi Nakuusaaqqat suliassaat

Novembari – Meeqqat pillugit isumaqatigiissusiat

Suliassaq

Piffissaq atugassaq: 1-2 lektion	Sammissaq: Naalagaaffiit Peqatigiit Meeqqat pillugit isumaqatigiissusiaa	Atortussat: Meeqqat pisinnaatitaaffii pillugit inukkat
--	--	--

Siunertag:

- Nakuusaaqqat pisinnaatitaaffinnut ilisaritinneqarnissaat
- Nakuusaaqqat pisinnaatitaaffiit marluk nuannarinerpaasatik atuaqatiminnut saqqummiunnissaat

Meeqqat pisinnaatitaaffii pillugit inukkat atorlugit pisinnaatitaaffiit saqqummiutikkitt. Kingorna suliaqutit [Børnerettighedskortspil - UNICEF i Grønland](#) -meersut sammitikkitt meeqqat pisinnaatitaaffiit uterniassammatigit.

Nakuusaaqqat artikelit marluk Meeqqat pillugit isumaqatigiissusiameersut toqqassavat atuaqatiminnullu saqqummiullugit. Meeqqat pisinnaatitaaffii pillugit inukkat imaluunniit Meeqqat pisinnaatitaaffiinnut plakati www.nakuusa.gl -imiittoq iluaqutiginnaavaat.

2023-mi Nakuusaaqqat suliassa

Decembari –MI-p ataatsimiinnerat

Suliassa

Piffissaq atugassaq: 2-3 lektioner	Meeqqanut ataatsimeersuartitsineq innersuussutillu	Atortussat: Innersuussutit
--	--	--------------------------------------

Siunertaq:

- Nakuusaaqqat Meeqqallu Isummorsorfiisa naapinnissaat
- Nakuusaaqqat Meeqqallu Isummorsorfiisa ataatsimoorlutik qanoq suleqatigiissinnaanerlutik paaseqatigiinnissaat
- Nakuusaaqqat Meeqqat ataatsimeersuarnerat pillugu paasisaqarnissaat
- Nakuusaaqqat paasisaminnik atuaqatiminnut oqaluttuarnissaat

Nakuusaaqqani ilinniartitsisut Meeqqallu Isummorsorfiini kommunimi attaveqaataasup ataatsimiisitsissapput (kommunerisanni Nakuusaaqqanik ilinniartitsisunut allanut attaveqarfissat takukkit). Nakuusaaqqat illoqarfimmeereersut takkutissapput, sinneri onlinekkut peqataassapput. Tassani MI-mi ilaasortat Nakuusaaqqanut Meeqqanut ataatsimeersuartitsineq pillugu, suut ullut marluk oqallisigisimanerlugit aammali sooq suullu innersuussutigisimallugit saqqummiissapput. Aamma innersuussusiatik qanoq pineqarnissaannik neriutiminnik oqaluttuassapput.

Nakuusaaqqat kingorna atuaqatiminnut MI-nik ataatsimeeqateqarsimanertik, Meeqqat ataatsimeersuarnerat innersuussutillu pillugit apuussissapput.

2024-mi Nakuusaaqqat suliassa

Januaari – Ikinngutaalluarpit Toqqissisimallunilu angalaarnerup malitseqartinnera

Suliassa

Piffissaq atugassaq: 1-2 lektion	Sammissaq: Ikinngutaalluarpit	Atortussat: www.nakuusa.gl -imi atuartitsissutit
--	---	---

Siunertaq:

- Nakuusaaqqat ikinngutaalluarneq pillugu oqallillutillu eqqarsaateqarnissaat
- Aggustimi toqqissisimalluni angalaarnerup kingorna suliassat malitseqartinnissaat
- Nakuusaaqqat meeqqanut tunngatillugu inersimasut akisussaaffii pillugit atuaqatigiinni oqallitsitsinissaat

Suliakkiutit 1-2-t Ikinngutaalluarpit-mit atuartitsissutineersut, tigussaasuneersut imlt. nittartakkamiittut www.nakuusa.gl toqqarsigit. Aamma paasititsiutineersut videout inersimasunut maligassiuuunernullu tunngasut marlussuit isiginnaarsinnaavasi.

Nakuusaaqqat oqalliseqatigikkit – maligassiusuulluartoq suua? Inersimasoq qanoq ikinngutaasinnaava? Inersimasut suut akisussaaffigaat?

Nakuusaaqqani ilinniartitsisup Nakuusaaqqat aggustimi toqqissisimalluni angalaarneranni suliat aallartinneqartussatut siunnersuutit qanoq ingerlanersut paasiniariissavaa. Nakuusaaqqat oqaluttuutikkit iliuuseqartoqarsimangippat, qanorlu ilillusi atuarfimmi aqutsisut allannguutitut siunnersuutaasimasut pillugit tusarnaartilersinnaanerlugit eqqartorlugu.

Nakuusaaqqat atuaqatiminnut videot 1-2 isiginnaatissavaat oqallissaarutigissallugulu – meeqqanut tunngatillugu inersimasut akisussaaffii suunersut ikinngutaalluarnersorlu suunersoq. Maligassiuulluartoq suua? Ilaatigut nalullugu sooq iliuuseralugit iliuuseqartarpit, iliuuserisarlugilli angajoqqaatit taamaliortarmata?

2024-mi Nakuusaaqqat suliassaat

Februaari – Atoqatigiinnermi killikka

Suliassaq

Piffissaq atugassaq: 1-2 lektion	Sammissaq: Atoqatigiinnermi killikka	Atortussat: Redbarnet-imiit atuartitsissutit uani linkimiittut: CHAT-PAARALUGU-8.-10.-klasse-layoutet.pdf (redbarnet.gl)
--	--	--

Siunertaq:

- Naalagaaffiit Peqatigiit, akuersissutit killiliisinnaanerullu ataqatigiinnerisa Nakuusaaqqat paasinninnissaat
- Nakuusaaqqat atoqatigiinnermi killigineqartut ukkatarinissaat
- Nakuusaaqqat suliakkiussutip nr. 5-ip sularinissaat killiliisinnaanerlu pillugu oqallisilernissaat
- Atuarfimmi paasissutissanik atuqatigiinnermi killit pisinnaatitaaffiillu pillugit aallartisarneqarnissaa

Meeqqat tamarmik namminneerlutik inuumermik illersorneqarnissaminnut, aammalu kinguaassiutigut innarlerneqarnissamut illersorneqarnissaminnut pisinnaatitaaffeqarput. Red Barnetip atuartsissutillai Chat Paaralugu CHAT-PAARALUGU-8.-10.-klasse-layoutet.pdf (redbarnet.gl), iserfigalugu atortussiat eqqartorsigit. Meeqqat pillugit isumaqatigiissusiami artikelit allat atoqatigiinnermut killigisanut tunngassutilinnut naleqquttut allat nassaarisinnaavisigit?

Chat Paaralugu-mit suliakkiutit marlussuit, soorlu suliakkiut 5, toqqarsigit Nakuusaaqqanilu suliaralugit.

Nakuusaaqqat atoqatigiinnermut tunngasut pisinnaatitaaffiit quliusut, Naalagaaffiit Peqatigiit inuit pisinnaatitaaffii pillugit nalunaarummit Meeqqallu Pillugit isumaqatigiissusiaanit aallaaveqartuusut, tullerriaassavaat:

Atoqatigiinnermut pisinnaatitaaffiusut qulit tassaapput:

1. Inuusuttut tamarmik suaassuseq atoqatigiinnikkullu soqutigisatit pillugit immikkoortitaannginnissaminnut pisinnaatitaaffeqarput – ass. atorfininniarnermi oqaloqatigiinnissamut toqqagaannginnissamut, timersoqatigiiffimmit peersitaanissamut, illoqarfikkoornermiluunniit ammivit qalipaataa, suaassutsit, atoqatigiinnikkut soqutigisatit, isikkut pisinnaassutsillu pillugit immikkoortitaannginnissamut tunngatillugu.
2. Inuusuttut tamarmik inuiaqatigiinni peqataanissaminnut aalajangeeqataanissaminnullu pisinnaatitaaffeqarput – ass. atuarfinni elevrådimiissinnaatitaavutit atuarfissinnilu suut atuartsissutigineqassanersut imaluunniit kantiinami nerisassat suut tuniniarneqassanersut aalajangeeqataaffigisinnaallugit.
3. Inuusuttut tamarmik timertik pillugu namminneq aalajangiinissaminnut pisinnaatitaaffeqarput – ass. nakuuserfigineqaqqusaanngilatit inuusuttunit inersimasunilluunniit kinguaassiutigut innarlerneqaqqusaanngilatit.
4. Inuusuttut tamarmik nammineerlutik inuunerminnut pisinnaatitaaffeqarput – ass. sinittarfinniinnissannut pisinnaatitaaffeqarputit angajoqqaannit ajoqusersorneqarnak akuerseqqaartinnallu mobiilit misissorneqarani, illit nammineq aalajangikkannik atoqateqarsinnaavutit suaassuseq, inuiaassuseq il. il. apeqqutaatinnagit, assiutitillu kisivit pigisinnaavatit.
5. Inuusuttut tamarmik suaassutsimik kinguaassiutigullu soqutigisatit namminneerlutik aalajangernissaannut pisinnaatitaaffeqarput – ass. ilinnut "niviarsiaraaneq", "nukappiaraaneq", Non-binær-iuneq" allarluinnarluunniit suunersoq aalajangersinnaatitavutit. Nammineerlutit nukappiaraallutit kjoleqarusunnerlutit, naatsunik takisuunilluunniit nujaqarusunnerlutit aalajangissavat.
6. Inuusuttut taarmik suaassuseq kinguaassiutigullu soqutigisatit pillugit oqaaseqarnissaminnut pisinnaatitaaffeqarput – ass. suaassutsit kinguaassiutigullu soqutigisatit pillugit qanorsuaq ikinngutinnut, angajoqqaannut, ilinniartitsisunnut nittartakkakkuunniit naapittarfikkut oqaaseqarsinnaatitaavutit. Nikassarneqarnak suaassutsit kinguaassiutigullu soqutigisatit pillugit oqaaseqarsinnaatitaavutit.
7. Inuusuttut tamarmik peqqissutsimikkut ikiorserneqarnissamikkut, kinguaassiutiminnik atugarisaminnillu siuarsaasunut, ikiorserneqarnissaminnut pisinnaatitaaffeqarput – ass. naartunaveersaatink pisinnaatitaavutit (tassa kinguaassiutigut nappaatinut naartunissamullu illersuutit).

8. Inuusuttut tamarmik paasissutissanut pissarsisinaanermut, ilinniartitaanissaminnut, timi, kinguaassiutitigut soqutigisat, kinguaassiutitigullu peqqissuseq pillugit siunnersorneqarnissaminnut pisinnaatitaaffeqarput – ass. kinguaassiutit pillugit ilinniartinneqarnissannut pisinnaatitaaffeqarputit.

9. Inuusuttut tamarmik namminneerlutik katikkusunnerlutik, meerartaarusunnerlutik – qaqugulu – aalajangernissaminnut pisinnaatitaaffeqarput – ass. naartuleralaruit sulilu meerartaarusunnak peersinneqarnissaanut pisinnaatitaaffeqarputit.

10. Inuusuttut tamarmik kinguaassiutitigut pisinnaatitaaffiik pavisunngortitsinissaanut naalagaaffimmit taparserneqarnissaminnut pisinnaatitaaffeqarput – ass. pisinnaatitaaffiik innarlerneqqarnermut inatsiseqarpoq, soorlu pinngitsaalillugit katititsisoqannginniassammat.

Pisinnaatitaaffiit taakku eqqartorsigit, atuaqatissinnut qanoq naleqqutsigippat? Atoqatigiinnermut tunngasut pisinnaatitaaffiit marluk pingaartutut isigisasi toqqarsigit. Atuarfimmilu paasissutissanik atuaqatigiinnermi killit pisinnaatitaaffiillu pillugit aallartisaallusi.

Piffissaqarussi piumagussilu Red Barnetip ilinniusiaa´ Chat Paaralugu CHAT-PAARALUGU-8.-10.-klasse-layoutet.pdf (redbarnet.gl), aallaavigalugu atortussiat oqaloqatigiissutigisinnaavasi. Artikelinut Naalagaaffiit Peqatigiit Meeqqat Pillugit isumaqatigiissusiaanneersunut uge seximut atatillugu naleqquttunik nassaarsinnaavisi?

2024-mi Nakuusaaqqat suliassaat

Martsi – Meeqqat Ulluannut piareersaatit

Suliassaq

Piffissaq atugassaq: 2 lektioner	Sammissaq: Meeqqat Ulluannut piareersaatit	Atortussat:
--	--	--------------------

Siunertaq:

- Nakuusaaqqat atuartunut sammitikkusutaannik toqqaassasut
- Nakuusaaqqat NAKUUSA aamma Meeqqat Isummersorfii pilersaarutiminni ilaatinnessaat
- Nakuusaaqqat atuaqatiminnut Meeqqat Ulluanni sulererusunnersut oqaloqatiginninnissaat

Nakuusaaqqat atuarfimminni nuannersumik Meeqqat Ulluanni sunik sammisaqarsinnaaneq pillugu brainstormissapput. NAKUUSA atuarfinni colorrynertitseqqissapput, taamaammat tamanna pilersaarutinut ilanngunneqarsinnaavoq. Kommunissinni MI aamma oqaloqatigisigit ataatsimoorlusi sammisaqartitsisinnaanerlusi paasiniallugu.

Nakuusaaqqat atuaqatiminnut NAKUUSAp colorrynertitsinissaa pillugu paasissutissiissapput atuaqatiminnilu sammisassat nuannersut suut Meeqqat Ulluanni sammineqarsinnaanersit brainstormissallutik, taakkualu Nakuusaaqqat naapeqqinnissaminnut ingerlateqqissavaat.

2023-mi Nakuusaaqqat suliassaat

Apriili – Maaji Nuan

Suliassaq

Piffissaq atugassaq: 1-2 lektion	Sammissaq: Maaji Nuan	Atortussat:
--	---------------------------------	--------------------

Siunertaq:

- Nakuusaaqqat maajip ingerlanerani sammissassat pingasut ingerlatassat toqqassagaat
- Nakuusaaqqat artikelit sammissassanut tunngaviusut pillugit atuartunutnassuiaanissaat

Nakuusaaqqat Naalagaaffit Peqatigiit Meeqqat pillugit isumaqatigiissutaanni artikelinik pingasunik toqqaassapput tamaasalu sammissassalerlugit – tassa atuarfimmi atuartut allat peqatigalugit maajip ingalanerani sammineqarsinnaasut pingasut.

Pississaarnermi unamminerunerusinnaavoq (artikel 31), kalattoornerusinnaavoq (artikel 30), arsamilluunniit unammiaarnerusinnaavoq (artikel 31), arqatigiinnerusinnaavoq (artikel 15) il. il.

Nakuusaaqqat atuaqatiminnut Maaji Nuan pequtigalugu sammissassatikkusutatik pingasut taakku pillugit oqaluttuassapput. Aamma artikelit suut tunuliaqutaanersut soorlu sammissassat taakkoqqissaat toqqarsimanerlugit oqaluttuassapput.

2024-mi Nakuusaaqqat suliassaat

Maaji – Meeqqat Ulluat Silallu pissusianut ullorititaq 5. juuni

Suliassaq

Piffissaq atugassaq: 2-3 lektioner	Sammissaq: Meeqqat Ulluat Silallu pissusianut ullorititaq 5. juuni	Atortussat:
--	--	--------------------

Siunertaq:

- Nakuusaaqqat Meeqqat Ulluanni atuarfimmi susoqassanersoq tamakkiisumik takunnissinnaanissaat
- Nakuusaaqqat 5. juuni silap pissusianut ullorititamut tapersiinissaat
- Nakuusaaqqat 5. juuni silap pissusianut ullorititaq pillugu atuaqatiminnik peqataatitsinissaat

Meeqqat Ulluanut isumagisassat kingulliit isumaqatigiissutigineqarlutillu sularineqassapput. Taava Silap pissusianut ullorititaq 5. juuni pillugu eqqartuineqassaq, tassanilu sumiiffinni amerlanerni atoqqiineq avatangiisillu paarinissaa eqqarsaatigalugu paarlaasseqatigiinneq aqqissuunneqassaaq. Nakuusaaqqani ilinniartitsisut MI-milu attaveqaataasut sioqqullugu oqaloqatigeereersimassapput illoqarfinnilu assigiinngitsuni pilersaarutit suunerinik ilisimasaqalissallutik. Kommunini atuarfinnilu plakatinik

nivinngaatiterisoqarsinnaavoq. Najukkanni MI-mi attaveqaataasoq attavigiuk. Kina attaveqaataanersoq ilisimanngikkukku www.nakuusa.gl imaluunniit allaffigisigut uunga info@nakuusa.gl

Nakuusaaqqat Meeqqat Ulluanni atuarfimmini susoqassanersiq atuaqatiminnut paasitissapput. Aamma Silap pissusianut ullorititaq 5. juuni pillugu, soq aamma qanoq atuarfimmini ingerlanneqassanersoq, nassuiaassapput. Atuaqatitik qanoq ilillutik tapersiisinaanersut paasitissavaat.

2024-mi Nakuusaaqqat suliassaat

Juni – Meeqqat Ataatsimeersuarnerat 2023

Suliassaq

Piffissaq atugassaq: 2-3 lektioner	Sammissaq: Meeqqat Ataatsimeersuarnerat 2023	Atortussat:
--	---	--------------------

Siunertaq:

- Nakuusaaqqat sammisanik assigiinngitsunik piffissamut tulluarnit oqallinnissaat
- Nakuusaaqqat Meeqqat Ataatsimeersuarnissaannut sammineqarsinnaasunut sunneeqataasinnaanerat
- Nakuusaaqqat atuaqatiminnut sammisat toqqarneqarsimasut pillugit oqaluttuarnissaat

Meeqqat Ataatsimeersuarnissaanni tulliani suut sammineqassappat?

Meeqqat massakut suut oqallisigissallugit pingaartinnerat oqallitsikkat. Polikkikkut sammisat suut eqqartorneqassanersut kissaatigaat? Suut allannugassaapput? Nakuusaaqqat sammisanik pingasunik toqqaassapput Meeqqallu Isummorsorfiinut nassiullugit uunga info@nakuusaa.gl

Nakuusaaqqat atuaqatiminnut Meeqqat Ataatsimeersuarnerat pillugu oqaluttuassapput. Taakku saniatigut soq sammisat taakku pingasut toqqarneqarsimanersut toqqakkatillu toqqarneqassagaluarpata qanoq inerseqassanersut neriutiminnik nassuiaassapput.